

INUIT ATAQATIGIIT INATSIARTUNI



UKA25/51

06.11.2025

Paarma Lund Kreutzmann

Qanoq ililluta ilaqutariinnut suliniarnitta annertusineratigut pisullu tamaasa isiginerisigut meeqqat angerlarsimaffiup avataanut inissinneqarsimasut amerlassusaasa annikillisarsinnaaner at pillugu apeqquiteqaat aallaavigalugu oqallinnissamik siunnersuut.

(Inatsisartunut ilaasortaq Bo Martinsen, Demokraatit)

Inuit Ataqtiginniit Nunatsinni meerartatta aammalu ilaqutariit pitsaanerpaamik angusaqarfigerusupparput.

Meeraq kinaluunniit angajoqqaamini peroriartornissaa, pitsaasumik ineriartortumik toqqisisimanartumillu meeraaffigisinnaasamik kissaatiginartaraluartoq, pivusoq taamaatuaananngilaq.

Taamaatorli Inuit Ataqtiginniit sulissutigiuarparput sapinngisamik pitsanngorsartuarnissaa.

Oqallinnissamut siunnersuuteqartup allagaani allaqqavoq Tasiilami meeqqat angerlarsimaffiup avataanut inissinneqartartut amerlassusaat annertuumik qaffassimasoq.

Misissuilaarnerni takuneqarsinnaavoq qaffakkiartorunnaarnikuusimasoq, taamaammat

kaammattuutigerusunnaarpoq assersuutitut atussagaani pissutsit pivusut aallaavigineqarnissaat.

Taamaakaluartoq aap, nunarput tamakkerlugu kisitsisit annertuvallaarput aamma inissaminiippoq maani inersuarmi oqallisiginissaa.

Tasiilaq eqqaaneqariarmat, meeqqallu angerlarsimaffiup avataanut nuunneqartartut amerliartorunnaarsimasut maluginiarneqartariaqarpoq.

Qanoruna kisittisit appartinneqartut?

Kommuneqarfik sersersooq attaveqarfigisimavara aammalu suliniutaat atuarsimallugit. Tassani ersarippoq pingaarutilerujussuarmik oqallisigisatsinnut tunngasumik suliniutillit.

Assaat amerlineqarsimapput aammalu nutaamik politikkimik pilersitsisimapput meeqqanut ilaqutariinnullu

tunngasumik. Tassa 2025 -mit 2035-mut suliniut ingerlasussaq. Tassani qitiusumik naleqartitanik sisamanik tunngaveqarpoq; Siusissukkut iluuseqarnek, aalajangiinerni ilaqutariinnik meeqqanillu akuutitsisarnek, oqartussat ilaqutariillu akornanni suleqatigiinneq kiisalu ilaqutariit pisariaqartitaannut suliniutinik naleqqusaaneq. Imatut paasivara meeraq kisimi isiginagu, avatangiisai ilanngullugit suliniuteqartarnek. Pitsaanerusup tungaanut ingerlalersimasut takusinnaavarput.

isumaqarpunga inatsisartuniit kommunit, suleqatigalugit kommunit allanut aamma politikkia taanna suleqatigiilluta pilersinniassagipput.

Meeqqanut inuusuttunut ilaqutariinnullu naalakkersuisup massakut oqallisigisatsinnut eqqummaarinnera, aammalu nunarput tamaat akuutillugu, suliniuteqarnera isumalluarnartuusoq.

Familiecenterit, aqqissuusamik pinaveersaatitsinerit tassani ilaaput. Unalu suleriaaseq meeraq imaluunniit ilaqutariit ajornerpaafimmut pinnginnerini sullinneqarnissat anguniagarigai.

Assersuutigalugu nutaatut, familiecenteri aqutigalugu, meeqqat toqqaanaq misissoneqarsinnaanerat. Sermersuup kommuneani atuutilersimasooq, sukkannerusumik sullinneqarsinnaanissaq, immaqalu sulit ajornerpaafissamut pisinnagit.

Tamanna aamma sinerissamut periarfissatut isiginiarneqarsinnaavoq.

Uani kommunit sullarluttutut isiginiarneqanngillat, kisiannili misissuinissamut (visitation) assaat ikippallaartut suliaassallu

amerlavallaartut oqilisarumallugit, aammalu suliaassaq sukumiisumik piffissaqarfigalugu

sammeneqarsinnaanissanut periarfissaq pitsanngorsarusullugu siunnersuutaasinnaavoq.

Massakut kommunit assigiingiaamik suleriaaseqarput, isumaqarpunga uunga tunngatillugu nunarput tamaat suleqatigiittariaqartoq Inatsisartut Naalakkersuisullu suleqatigalugit nukittunerusumik angusaqarfiussammat.